

POČELA REALIZACIJA PROJEKTA „KAKO POKRENUTI VLASTITI BIZNIS“

U četvrtak, 20.10.2016. god. počela je realizacija Projekta „Kako pokrenuti vlastiti biznis“. Za neuposlene osobe iz Tešnja i Usore održana je prva radionice u Bobarama kod Tešnja. U prostorijama Centra za obrazovanje odraslih-Planjax okupilo se četrdesetak zainteresiranih osoba, mahom mladih, koje su pažljivo pratili vrlo interesantnu petosatnu radionicu. Uz eminentne predavače, univerzitetske profesore: doc.dr. Edina Ajanovića, dr.sc. Huseina Mehmedovića te mr. Bajruzina Hajru Planjca (doktoranta), svoja iskustva u biznisu su predstavili i neki od uspješnih poduzetnika tešanjskog kraja.

– Polaznici ove radionice su dobili i certifikate za prisustvo seminaru-radionici i jako su zadovoljni prezentacijom projekta jer su došli do vrlo bitnih spoznaja o pokretanju vlastitog biznisa. Ohrabreni stečenim znanjem i iskustvima poduzetnika, pozvali smo ih da iskoriste aktualni javni poziv po Uredbi Vlade FBiH za programe upošljavanja i samoupošljavanja te da pokrenu vlastiti biznis – istakao je Marinko Kelavić, voditelj projekta.

Projekt „Kako pokrenuti vlastiti biznis“ je izradila Služba za zapošljavanje Zeničko-dobojskog kantona i jedinstven je primjer ovakvih radionica među službama za zapošljavanje u FBiH. Projekt se realizira u partnerstvu sa Planjax akademijom Tešanj. Ukupna vrijednost projekta iznosi cca 20.000 KM, a glavni pokrovitelj istog je Federalni zavod za zapošljavanje sa iznosom od 13.800 KM. U narednih četrdesetak dana ovakve radionice će se održati i u svim drugim općinama Zeničko-dobojskog kantona u suradnji sa općinskim biroima rada Službe i općinskim službama za gospodarstvo/privredu.

Pozivaju se sve neuposlene osobe iz ZDK da u terminu od 09.00-14.00 sati prisustvuju ovim, vrlo zanimljivim radionicama po dolje navedenom rasporedu.

21.10.2016./petak/-

Doboj

Jug

27.10.2016./četvrtak/ – Maglaj

28.10.2016. /petak/- Žepče

03.11.2016. /četvrtak/-Zenica

04.11.2016. /petak/- Kakanj

10.11.2016. /četvrtak/- Visoko

11.11.2016. /petak/- Vareš

17.11.2016. /četvrtak/- Olovo

18.11.2016

/petak/Zavidovići

24.11.2016./četvrtak/- Breza







[predavanja-1](#)



[p1010953](#)



[svi-s](#)



[predavanje](#)



[maglaj-foto](#)